

## Seken Jon

### Nægkiariien sə rani mə nəfe i nəkukuə

Jon rirai nəkukuə i kani mə Seken Jon revən ti pran sə Kumwesən rımərfi mine nıpwənətın me. Səreirei mə rirai nəkukuə i revən ti pran əfwaki riti mine nərmama me ia nəkwai nimwə səvənhi uə nəfwakiien riti mine nakalasia me səvənhi. Nəkukuə i raməgkiari ia nokeikeiien sə nakalasia me tuho mınraha me. Jon rini mə nəpın iko nokeikeiien ikamo nəkwai Kumwesən. Nənə nəgkiariien səvəi Kumwesən rani mə tsarə ia nokeikeiien. Jon ramahatən mwi mə Iesu in Tini Kumwesən in iərmama in Kumwesən. Nakalasia me tuharaka ia nərmama me səməme kəmhəni mə Iesu in iərmama a, rıpkə mhə in Kumwesən.

#### *Nəgkiariien sə rakupwən*

<sup>1</sup> Iou elta səvəi nəfwakiien. Iakamrai nəkukuə i rauvehe tukw ik pran asori sə Kumwesən ruvərfi raka ik. Rauvehe mwi ti nıpwənətım me. Iakokeikei pərhiən kımiaha. Nənə rıpkə mhə iou əpa, mətə nərmama me pam səməme həukurən nəgkiariien pərhiən, irəha mwi hokeikei kımiaha. <sup>2</sup> Kımaha ia hokeikei kımiaha iamınhi irə ti nəri nə mə nəgkiariien pərhiən ramarə ia rerıtaha, nənə trarə rerın tukutaha. <sup>3</sup> Pwəh Kumwesən Tata səkitaha, mine Tini, Iesu Kristo, trouəriari pehe namasaniən, mine napiiən, mine

nəməriniuen m kitaha. Pwəh irəhar hararə tuku-  
taha ia nīpərhiēnien mīne nokeikeien.

*Kitaha tsokeikei kitaha me*

<sup>4</sup> Iou iakamagiēn asori, ti nəri nə mə iakətoni  
nīpwnətīm me nepwīn kamhesi pen nəgkiariien  
pərhiēn rəmwhēn ia Tata səkītaha rīmāni  
pehe tukutaha i mə tsaməkeikei mho. <sup>5</sup> Nənə  
təkwtəkwwuni kitirimak iakani pehe tukw ik  
mə kitaha tsaməkeikei mhokeikei kitaha me.  
Nəgkiariien i iakamrai mik rīpko mhə nəgkiariien  
ro sə vi tukutaha, rekəm. Səuvəregi raka  
nəgkiariien i fwe kupwən. <sup>6</sup> Kitaha tsəfo mho  
nərmama hətoni mhəukurən mə kitaha samarə  
pərhiēn ia nokeikeien i sə iakaməgkiari irə?  
Kitaha tsaməkeikei mho nəgkiariien me səvəi  
Kumwesən. Nənə in i nəgkiariien səvənhi  
rəmwhēn kimiaha hiəuvəregi raka fwe kupwən.  
Kitaha tsaməkeikei mharə ia nokeikeien.

*Kimiaha tihaməsiari ti nahatən eikuə me*

<sup>7</sup> Nahatən eikuə me həpik həuvəier raka  
mamhəuvən ia kwopun me ia tīprənə i. Nahatən  
me i həpkini mhə nīpərhiēnien mə nəpīn Iesu  
Kristo rīməuvehe nīpwrān rəmwhēn ia nīpwrāi  
iərmama pərhiēn. Iərmama iamīnhi in iərmama  
sə rameikuə raməmwəki pik Kristo. <sup>8</sup> Kimiaha  
tihətə amasan kimiaha me mhəpwəh nəsēnien  
irəha heikuə ia kimiaha, kamo kimiaha hiarfai  
ia nəfe kitaha sənəmwur tukwe. Ramasan mə  
kimiaha tihəuvehi nərəkuien pam səkimiaha.  
<sup>9</sup> Iərmama sə rəpi raka nəgkiariien me sə Kristo  
rīnahatən nərmama me səvənhi irə, mamrīpīn

nægkiariien me nepwïn mwi sə raku pen ia nətərigien atukw səvənhi, Kumwesən riwən tukwe. Mətə iərmama sə ramesi pen amasan nahatənien me səvəi Kristo, Tata Kumwesən mine Tini, irau pəri krauarə tukwe. <sup>10</sup> Trini minuə iərmama riti ruvehe tukumiaha, mətə nægkiariien sə ramahatən nərmama irə ropə ia nægkiariien i, tihəpwəh nuvehien in ruvniwə ia nimwə me səkimiaha. Kimiaha tihəpwəh ninien ramasan tukwe, <sup>11</sup> ti nəri nə mə iərmama sə ramini ramasan ti iərmama iaminihi, rəmwhen a in mwi ramasitu ia noien ərəha me səvənhi.

### *Nægkiariien sampam*

<sup>12</sup> Nægkiariien me i ripik iakuə takrai mini pehe tukumiaha, mətə iakəpwəh nokeikeien mə takrai pen ia nimwai nəkukuə. Rerik ramrhi mə takaməkeikei muvehe tukumiaha, nənə kitaha sətə nəmritaha me mhægkiari. Tako iaminihi mə reritaha pam tragien. <sup>13</sup> Piam i sə Kumwesən ruvərfi raka in, nipwnətın me həni ramasan tukw ik.

**Nəkukuə Ikinan**  
**The New Testament in the Nafe (Kwamera) language**  
**of Southeast Tanna, TAFEA Province, Vanuatu**  
**Niutestamen long lanwis Nafe blong Vanuatu.**  
**Le Nouveau Testament dans la langue Nafe de**  
**Vanuatu.**

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

---

PDF generated using Haiola and XeLaTeX on 22 Feb 2024 from source files dated 31 Aug 2023

26b0f540-c192-5878-be67-18ede9ab1416